

OBAVIJEST
Lista ovlaštenih organizatora edukacije i priznavanje inostranih
certifikata

Poštovane kolegice i kolege, članovi Stomatološke komore,

Obavještavamo vas da je, u skladu sa zakonskim propisima i opštim aktima, Stomatološka komora Federacije Bosne i Hercegovine provela proceduru utvrđivanja liste ovlaštenih organizatora edukacija iz oblasti estetske medicine u stomatologiji.

Pravni osnov za donošenje ove odluke čine:

- **Pravilnik o bližim uvjetima prostora, opreme i kadra** za osnivanje i obavljanje zdravstvene djelatnosti u zdravstvenim ustanovama (*"Službene novine Federacije BiH"*, br. 5/20 i 1/26);
- **Pravilnik o uvjetima za obavljanje privatne prakse**, grupne privatne prakse, kao i uvjetima za obavljanje privatne prakse na osnovu posebnog ugovora sa zdravstvenom ustanovom (*"Službene novine Federacije BiH"*, br. 104/13, 16/14, 66/15 i 1/26);
- **Član 3. stav (3) i član 7. Pravilnika o kontinuiranoj profesionalnoj edukaciji** doktora stomatologije / doktora dentalne medicine iz oblasti minimalno invazivnih i nehirurških zahvata primjenom hijaluronskih punila i botulinum toksina tipa A (broj: 01-11-135/26 od 13.03.2026. godine) – u daljem tekstu Pravilnik Komore.

Na osnovu Javnog poziva za iskazivanje interesa, koji je raspisan 23.03.2026. godine, Stručno vijeće Komore, konstituisano u skladu sa kriterijima predviđenim Pravilnikom Komore, izvršilo je detaljnu provjeru prispjele dokumentacije te utvrdilo listu verifikovanih ustanova.

1. Lista ovlaštenih organizatora edukacije

Sljedeće zdravstvene ustanove ispunjavaju sve propisane kriterije i ovlaštene su za provođenje profesionalne edukacije doktora stomatologije/dentalne medicine iz oblasti **minimalno invazivnih i nehirurških zahvata primjenom hijaluronskih punila i botulinum toksina tipa A:**

1. **PZU Poliklinika „Skin Clinic“**
 - *Sjedište:* Medicana bolnica, Džemala Bijedića 185A, Sarajevo
2. **PZU Hirurška poliklinika „Karabeg“**
 - *Sjedište:* Himze Polovine 39, Sarajevo

Napomena o izdavanju certifikata: Na osnovu uspješno završene stručne edukacije kod navedenih ovlaštenih organizatora, Stomatološka komora FBiH će polaznicima izdati zvanični *Certifikat o stručnoj osposobljenosti za minimalno invazivne i nehirurške zahvate primjene hijaluronskih punila i botulinum toksina tipa A.*